

ZAPÓSLANE

Křesćan Krawc z Hrubjelčic piše k zeńdženju Serbskeho sejma dla:

Prawniski wuběrk Domowiny – zastupjeny přez předsydku sakskeje serbskeje rady Marju Michałkowu, předsydu třěšneho zwjazka Domowiny Dawida Statnika, něhdyšeho a tučasneho jednaćela Domowiny Bjarnata Cyža a Marka Kowarja, bywšeho direktora Załožby za serbski lud Marka Sucheho, delnjołužiskeho Serba Kita Elu kaž tež prawiznicu Katrin Suchec-Dźisławkowu – je sej 12. smažnika wysokorjadnych zastupjerjow Rady starostow do Serbskeho domu w Budyšinje přeprósyl, zo bychu prašenja hladajo na wólby Serbskeho sejma stajili. Što je zhromadźizna na kóncu wobzamknyła, njezajimuje jenož mje. Nihdže nje namakam, na čo su so tam dojednali. Zwěru so prašeć, čehodla su zeńdženje wotměli a z kotrym zaměrom.

Tež mi swita, zo my Serbja parlamentariski gremij trjebamy, dokelž nje měješe na přikład Domowina w padže zawrjenja Chróšćanskeje srjedźneje šule jako zapisane towarstwo žane prawo skorženja. Serbski sejm by tajke měl. Ja tež wjace njewěru, zo by Serbski sejm Domowinu wobmjezował abo ju samo zbytnu sćinił. Skoro sej myslu, zo budže nawopak.